

Khuga Sadar Presbytery
NSSU Teacher's Training
On 14th Jan 2020 at HQ Church Tuibuang

~Rev. Seilunlal Vaiphei

Sunday School hung kiphudaw dan:

Sunday School Movement hi 1780s in Britain gam in ahung kipan hi. Zia hunlai ah naupang tamtak te chu kalkhat ah ni 6 sung nasem ah pang, lekhasim hun ding nei theitalote ading in abikin zia hi hung kisiam dawk ahi. Sunday ni tilo ngal chu hunlemchang dang um theilo ahi ziakin naupang genthei taka nasem lekha sim nading hun neilote khualna Sunday School hi hung ki bawldawk ahi.

Zia Sunday School hi hung chiato zel in, gingtute'n ahawi zia leh aphant chuam dante he in tulai kochuamtin in Sunday School i nei chiat tau hi. Kum zabi 19 hunlai in naupang lekhasim theilote leh zia theilote ziltinlan ala mang ui. Himaleh, tuhun ahin kochuamte'n Pathian thu ziltin nalam bep hilo in taksa lam ki vaihawmna, felna nalam inle i nei tau hi. Sunday School Teacher khat in a sepding chu naupangte Bible thu tawh kituaka hawi taka Pathian thu zil, pauchap dan, thianthona lam ah hinding dan hil ah puihuai ding ahi. Zia chu Sunday School Teacherte'n i mawpuaknau lianpen khat chu ahi. Zia chu ahi ziakin Sunday School Teacherte chun naupangte chu hawitaka lamdik achiatheina ding uh chu hil thei ngei dinga kisak zaw ding ahi. Zia dinga chun, Sunday School Teacher khat in abawl ding leh ahi thei dinga pawimaw khenkhatte vak ngaitua khawm hitiu.

1. Bang ziaka Hotu hinuam la hi em?

Hotu hi mikhat gen hat zia ahi em, ahiloleh pan mun awng ahi zia mai mai in sep ding ahipuai.

Chuleh, mizosia hi Hotu ahi ziang puai James 3:1...Ka suapite haw, la lak ua mi tam takte hi hotu hi' ki tha lawp kiu in, hotute chun vaihawmna khau zaw diak tuak ding I hui ti la he ngal un.

Pathian in nang ma talent a hung piak chu midangte panpi nan mang le chin aman nang ah ding ah lampi a guatsa a hi ngal a.

Lapa thil thawn piak leh talent chu a ma lalgam nasep na leh thilpha bawl nan mang le chin chia khial puan la. Aman la bawl ding ah a guat lawk sa a hi ngal ah.

2. Hotu na sep la nuam em?

- i) Ko ah um la hi em? Pathian in ziltin thei na a piak mawng mawng in la ki ngai em?
- ii) Puihuai in la um em? Thagau Thiangtho in zia mawpuakna hi la ding ah a hung hiatsak a hi em?
- iii) La lungthim ki gelchian in! La thiltup a hilo leh la utna zia a kichian tawk nam?
 - a. Zia hin a tup chu naupangte Pathian hetna lam ah hung khanglian a, Jesu Krista chu a Lal uh leh Hukdampa ding ah pawm sak ding ahi.
 - b. Zia gual ah tupna gil tak leh lunglutna tak tak la nei lo a hi chun hotu na hi sep mai lo ding in apha.
- iv) Mi dang ten la hotu hina hi pha a hung sak pi nau em?
- v) La lungthim Jesu a ding ah la lan nam?

3. Sunday School Hotu te a ding ah hiat ding a pawimaw:

Psalm 37: 5 chun a gen a “La umdan ding chu Lalpa chung ah nga’n la; ama ging in, ama’n hun bawl piak sik sek na’n a”.

a. A zillai sung ah thu um te hechian masan.

- i) Hotu pha hina ding ah chun a zillai sung ah thu umte la hiatchian masak a ngai hi.
- ii) Mi dangte kiang ah la hil sawn ma’n nang a ding ah umzia nei tak a hi masak a ngai hi.
- iii) Asung ah thu umte leh Bible chang kipete sim masak ah, a thu tangpi hiat masak ding ahi.
- iv) A zillai ah Bible chang kipete leh achang dang te haw le sim masa’n.
- v) Bible chang kipiaten a gen nawp pen/ a khawk bang ahi em ti nang leh nang dawtna ki bawl masa’n.
- vi) Hotu khat chun naupangte hiatchian thei na dingin awsuak(sound) etchian apawimaw tak zet hi.

b. A point pawimaw diak te hawldawk masa’n.

- i) Zillai khata chun a point pawimaw diak 2 leh 3 bek lak daw guat ding ahi.
- ii) La naupangte hiatthei ding ah la doi deu te zik dawk masa’n.
- iii) Zia a point la lakdaw te hilchiantu ding Bible chang hawl daw sa’n kawi in.

4. A zillai uh bang ti zilsak ding a hi em?

a. Nang ki ging/kisalawk masa’n:

- i) Pathian kiang ah ngaidam dawt ah, a ngaidamna pawm masak ding ahi.
- ii) Zillai bu i hiatthiam thei nading leh i zilsak thei na ding in Thagau Thiangtho pawl na i dawt masak a pawimawi.

b. A zillai uh hi ni 2 ni 3 masang ah ki saklawk/et lawk ding a hi.

- i) A hun hun ah bawl ziang hi a hi thei tak tak lo ahi.
- ii) Thagau in ei hiatsak nawp hiat thei na ding ah chun nikhat-nini(1-2days) bek ki ngaitua masak a ngai hi.
- iii) A Bible kipete hawi tak ah et lawk masak ding ahi.
- iv) A Bible thu in a gen nawp pen leh akawk mu nawp hiat masak ding ahi.
- v) Pathian in zia Bible thu mangcha a gennawp leh ei hil nawp pen chu bang ahi em ti nang leh nang ki dawng masa’n.

c. Zillai bu a vel vel in sim in.

- i) Zia zillai hi nang leh la naupangte a ding ah bang gual ah matchak thei a hi em ti ngaitua in.
- ii) Note phatak ki siam inla kawi in.
- iii) A zillai tawh ki tuak tuanthu a hem a hilo leh etsakna kituak deu mang in zilsak in.
- iv) Bang gual ah gen ah bang gual ah hilchian ding a hi em ngaitua masa’n.

5. Hotu pha bang gual a hi ding ahi em?

A chang leh Sunday School hotu ding te a buai sek nau chu Bible thu hechian tawk kisa lo in bawl khial khak ding a lauthawng sek uh ahi. Zia gual ah lauthawng na hi a um thei mawng ahi. Hilehle zia lauthawngna hi suk bei thei ding dan lampi a um ahi.

- i) **Ki piak zaw na:** Puitu/Hotu khat lahi leh la thilbawl /la mawpuakna pawimaw dan la hiatchian a ngai hi.
- ii) **Mi ki ngakna thei:** Pathian nisin in, la naupangte hung tun masang in classroom ah la um masak ngai ina. La um thei lo tak inle la thasang ding mi la koi ding ahi.
- iii) **Nang Naupang la hi masak ding:** Ki ngai tawm taka Zillai bu nang in Inn mun ah hoi tak leh phattaka la zil masak ding ahi. Zia chu la bawl a hi chun la zilsak ding leh la gen belap ding ahun hun in hung um zel ding ahi.
- iv) **Pathian ah ki nga zing in:** Nang thil zosia la het a ngai puai (Pathian in a he nai) Thagau in hung panpi ding ahi. Pathian ading in gin umtakin um inla pauchap zing kawm in dawn le chin a man la gen ding la zilsak ding hung hiatsak ding ahi. Chuleh nang leh la naupangte a ding in le dawn zing in.

Romans 12: 2. Zia khawvel dan gual ah hin um kiu inla, Pathian doigual, a pha leh pawm tak leh a bukim chu la hiatheina ding un, la lungthim uh siamthak ah um in, hung danglam zaw tau in.

2 Kor 10: 5. Lungthim ah ngaitua kawm ah mi nialna leh Pathian do-na ah kigel thilsang tak te chu suchim in, lungthim ngaituana zosia chu suak ah pui in Khrista thu ka nunsak sek ui.